

Lebih 1 hektar sawah musnah

100 pesawah alami kerugian, tanaman padi musnah akibat banjir

SUNGAI BESAR - Kira-kira 100 pesawah di Parit 4 Sungai Panjang berdepan kerugian besar apabila tanaman yang hanya menunggu masa untuk dituai musnah dilanda banjir.

Seorang pesawah, Mohd-Ali Osman, 41, berkata, tanaman padinya seluas 1.2 hektar di kawasan itu ditenggelami air sedalam 0.4 meter sejak Isnin lalu.

Menurutnya, pokok padi berusia 120 hari itu dijangka boleh dituai minggu lalu, namun segalanya terbantut apabila kawasan bendang dinaiki air akibat hujan berterusan.

"Hari ini dah lewat 10 hari padi tak boleh dituai. Kalau tengok keadaan pokok padi, kebanyakannya dah musnah," katanya.

Mohd Ali berkata, pesawah berdepan kerugian teruk pada musim tanaman kali ini apabila mereka bukan saja dilanda banjir, malah



Mohd Zainal menunjukkan sebahagian tanaman padi penduduk musnah akibat banjir.

tanaman mereka rosak akibat diserang penyakit hawar daun bakteria (BLB) sejak November lalu.

"Sebelum ini, padi kami di-

serang bakteria, kali ini banjir pula... macam-macam dugaan yang terpaksa kami alami pada musim ini," katanya.

Seorang lagi pesawah, Mohd Zainal Arbi, 45, berkata, banjir kali ini menyebabkan tanaman yang diusahakannya itu mengalami kerugi-

an 80 peratus.

"Biasanya hasil padi boleh cecah antara lapan atau sembilan tan matrik sehektar, tapi dalam keadaan macam ini hasil dijangka merosot teruk," katanya.

Mohd Zainal meminta agar Kementerian Pertanian dan Industri Asas Tani memandang serius isu yang dihadapi penduduk di kawasan sawah padi yang terjejas.

"Kerajaan diharap dapat membantu pesawah agar nasib kami diberi pembelaan yang sewajarnya.

Sementara itu, Jurutera Jabatan Pengairan dan Saliran (JPS) Daerah Sabak Bernam, Salfarina Mohd Sharif berkata, sebanyak 13 pam air dipasang bagi mengalirkan air ke tali air utama di sekitar Sabak Bernam termasuk di kawasan tanaman padi penduduk.

"Kita harap dengan usaha ini dapat mempercepatkan pengaliran air di kawasan terjejas," katanya.